



КАРПАТО-РУСИНСКИ КОНСОРЦИУМ СИВЕРНЕЙ АМЕРИКИ

ИНФОРМАЦИЯ ЗА ПРЕСУ

Видате: 17. новембер 2009

У ЗАД: 1817 121st Ave. N.E., Blaine MN 55449

У Канади: PO Box 21133, Saskatoon SK S7N 5N9

Карпато-Русински организациї Северней Америки основали Консорциум

МИНЕАПОЛИС/САСКАТУН: Витворена коалиция шест Карпато-Русинских культурних организацийох зоз Зединених Америцких Державох и Канади хтори ше здружили до новей заєдніцкей асоциациї змоцніц сотрудніцтво и цо частейши догварки.

Карпато-Русински Консорциум Сиверней Америки оможліви Карпато-Русином у Сиверней Америки цо ефикаснейше дійствовац по питаньох своєї заєдніци у ЗАД и Канади и виступац у мено Карпато-Русиных у европских державох зоз хторих походза. Консорциум тиж так будзе представяц Сиверно-Америцких Карпато-Русиных у Шветовой ради Русиных/Руснацох/Лемкох хтора ше сходзи кажди шейсц мешаца и организуе Шветови конгрес Русиных/Руснацох/Лемкох кажди два роки.

До Консорциума ше здружили: Карпато-Русински вигледовацки центр (Ню Йорк, Ню Йорк), Карпато-Русинске дружтво (Питсбург, Пенсилвания), Русинске здружене (Минеаполис, Минесота), Руске дружтво Сиверней Америки (Киченер, Онтарио), Русин – Саскачеванске дружтво рускей култури (Саскатун, Саскачеван) и Шветова академия русинскей култури (Торонто, Онтарио).

Консорциум ма двох председаваючих, еден зоз ЗАД а други зоз Канади. Карен Вариян, председателька Русинского здруженя, выбрана за председаваючого зоз ЗАД, а Любомир Медеши, секретар Саскачеванского дружтва рускей култури, за председаваючого зоз Канади. *“Карпато-Русински организациї Сиверней Америки доросли до такого ступня же шицки нашо организациї можу координовац своєю активносци на таки способ же би посцигли цо векши ефект”*, гварела Вариян. Медеши додал: *“Сиверно Америцки Русини иду шлідом способу сотрудніцтва яки добре послужел организациейом наших сонароднікох у жемох походзенья”*.

На сновательней схадзки 31 октобра того року Консорциум визначел приоритетни активносци хтори треба запровадзиц, а медзи німа слідууюци:

- Утвердзиц и означовац Дзень Русиных у ЗАД и Канади;
- Сотрудзовац зоз Америцким бироом за попис жительствова и Статистику Канади же би карпатко-русинска националносц (походзене) була правилно назначана у надиходзащих пописох жительствова, а тиж так резултати обявени;
- У Вашингтоне и Отави отримовац започати контакти зоз амбасадами Европскей заєдніци и державох у хторих Русини жию;

ДАЛЄЙ

Карпато-Русински Консорциум, бок 2

- Отримовац вязи зоз кондзелариями Папского Нунції у ЗАД и Канади коло зопераня примушоуюцого однародзованя Русиных у Греко-католицкей Церкви у Словацкей и України.

Карпато-Русини то славянски народ по походзеню зоз региону Карпатских горох у восточно-центральной Европи. По Другей шветовой войны їх етнічна територія розделена вошла до вещей державох, Словацка, Україна, Польска, Мадярска и Румунія, а векше число Русиных тиж жиє у Ческей, Горватскей, Сербії, Канади и ЗАД. Коло 1.2 милиона жиє у Европи. У Зединених державой єст коло 700.000 людзох карпато-русинского походзеня, а у Канади коло 20.000.

За вещей информации о активносцох Консорциума треба писац на:
crconsortium@gmail.com.
